

Broj: 01/01-296-7/8-2024
Sarajevo, 09.04.2024. godine

Na osnovu člana 64. stav (1) tačka b), člana 70. st. 1., 3. i 6. Zakona o javnim nabavkama („Sl. glasnik BiH“, broj 39/14 i 59/22), na Preporuku Komisije za javnu nabavku, broj: 01/01-296-6/8-2024. godine od 22.03.2024. godine u postupku nabavke roba: **HEMIKALIJE, LOT 3 – Laboratorijske hemikalije**, Dekan Univerziteta u Sarajevu Prirodno-matematičkog fakulteta je donio

O D L U K U

o izboru najpovoljnijeg ponuđača u otvorenom postupku za dostavu ponuda

Član 1.

Prihvata se Preporuka Komisije za javnu nabavku, 01/01-296-6/8-2024 od 22.03.2024. godine i ugovor za nabavku roba: **HEMIKALIJE, LOT 3 – Laboratorijske hemikalije** dodjeljuje se ponuđaču „SEMIKEM“ d.o.o. Sarajevo, čija ukupna cijena ponude iznosi 8.755,00 KM bez PDV-a, kao najbolje ocijenjenom ponuđaču.

Član 2.

Izabrani ponuđač, uzimajući u obzir da je već u sklopu ponude dostavio dokaze o ispunjenosti uslova iz člana 45. stav (1) tačka a) do d) i 47. stav (1) tačka a) i (4) Zakona o javnim nabavkama („Sl. glasnik BiH“, broj 39/14), u skladu sa tačkom 7. tenderske dokumentacije *oslobađa se obaveze naknadnog dostavljanja istih.*

Član 3.

Za izvršenje ove odluke zadužuje se i ovlašćuje Sekretarijat i Služba računovodstva Fakulteta.

Član 4.

Ova odluka objavit će se na web-stranici www.pmf.unsa.ba istovremeno sa upućivanjem ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama BiH.

Obrazloženje

Na osnovu Odluke o pokretanju postupka javne nabavke broj: 01/01-296/3-2024 od 20.02.2024. godine, Univerziteta u Sarajevu - Prirodno-matematički fakultet je pokrenuo otvoreni postupak za dostavljanje ponuda za javnu nabavku roba: **HEMIKALIJE, LOT 3 – Laboratorijske hemikalije.**

Za provođenje postupka predmetne javne nabavke, Odlukom broj: 01/01-296/4-2024 od 20.02.2024. godine imenovana je Komisija za provođenje postupka javne nabavke. Obavještenje o nabavci broj: 29340-1-1-5-3-10/24 objavljeno je na Portalu javnih nabavki dana 20.02.2024. godine, a u Službenom glasniku BiH br: 14/24 dana 23.02.2024. godine.

Iz Izvještaja o preuzimanju tenderske dokumentacije od strane ponuđača, vidljivo je da su u periodu koji je ostavljen za dostavljanje ponuda do 11.03.2024. godine, tendersku dokumentaciju preuzeli slijedeći potencijalni ponuđači: EKAPIJA DOO, ECP SARAJEVO, BBS EUROPE, VATROGAS D.O.O. DAZDAREVO BIJELJINA, ALTIUM INTERNATIONAL D.O.O., ANALITIKA D.O.O. SARAJEVO, KEFO D.O.O. ISTOČNO SARAJEVO, SEMIKEM D.O.O. SARAJEVO, SINEKS LABORATORIJA D.O.O. BANJA LUKA, VEGA-PAK D.O.O., AB MEDIC D.O.O,

ELTA 90 MB D.O.O., EMGEN DOO, MIKRO+POLO D.O.O., KRAJINAGROUP D.O.O. BANJA LUKA, VETERINARSKI FAKULTET, PROIZVODNJA I TRGOVINA „PHARMAMED" D.O.O. TRAVNIK, BOSNA-VET DOO, "TUZLA-FARM" D.O.O. TUZLA, PROFY D.O.O., AQUA INTERMA INŽENJERING D.O.O.

Iz *Izveštaja o pitanjima i odgovorima* u periodu koji je ostavljen za dostavljanje ponuda, vidljivo je da postavljen jedan upit na koji je blagovremeno odgovoreno.

Iz *Zapisnika o otvaranju ponuda* vidljivo je da je Komisija za javne nabavke dana 12.03.2024. godine sa početkom u 10:30 sati po redoslijedu zaprimanja izvršila javno otvaranje blagovremeno prispjelih ponuda slijedećih ponuđača:

R. br.	Naziv/ime ponuđača	Blagovremene ponude	Broj prijemnog protokola	Datum i vrijeme pristigle ponude
1.	„SEMIKEM“ d.o.o. Sarajevo	Da	01/01-296-2/8-2024	29.02.2024.g. u 12:05 sati
	„MIKRO+POLO“ d.o.o. Sarajevo	Da	01/01-296-3/8-2024	07.03.2024.g. u 11:00 sati

Na javnom otvaranju ponuda nisu bili prisutni predstavnici ponuđača.

Zapisnik sa otvaranja ponuda je zajedno sa zapisnikom o prijemu ponuda dana, 14.03.2024. godine prosljeđen elektronskim putem (E-mail-om) ponuđaču koji su blagovremeno dostavili ponude.

Komisija za javne nabavke sastala se 12.03.2024. godine sa početkom u 10:30 sati, radi pregleda i ocjene ponude, odnosno da bi utvrdila da li je ponuđač ispunio uslove koji su traženi Tenderskom dokumentacijom, kao i da bi utvrdila da li je ponuđač dostavio tehnički zadovoljavajuće ponudu u skladu sa zahtjevima iz Tenderske dokumentacije i da li je kvalifikovan za nabavku predmetne robe.

Iz *Zapisnika o pregledu i ocjeni ponuda* je vidljivo da u ponudama ponuđača nije bilo računskih grešaka.

U skladu sa članom 2. stav (1) tačka 1) pod 2) Zakona o javnim nabavama („Sl. glasnik BiH“, broj: 39/14 i 59/22), ponuda „MIKRO+POLO“ d.o.o. Sarajevo sa cijenom ponude bez PDV-a u iznosu od **11.453,00 KM** je ocjenjena kao neprihvatljiva, jer cijena prelazi planirana, odnosno osigurana sredstva ugovornog organa za nabavku. Procijenjena vrijednost (bez uključenog PDV) iznosi **9.850,00 KM**. Pored navedenog, u skladu sa tačkom 8. *Sadržaj ponude i način pripreme ponude* TD je propisano da su Ponuđači obavezni da pripreme ponude u skladu sa zahtjevima i uslovima koji su utvrđeni u ovoj Tenderskoj dokumentaciji. U skladu sa prethodno navedenim zakonskim odredbama i Tenderskom dokumentacijom, ponuda je ocjenjena kao neprihvatljiva, te kao takva nije uzeta u dalje razmatranje.

Nakon pregleda i ocjene ponuda, Komisija za provođenje postupka nabavke je utvrdila da ponuđač: „SEMIKEM“ d.o.o. Sarajevo ispunjava sve minimalne uslove za kvalifikaciju tražene tenderskom dokumentacijom, te je njegova ponuda ocjenjena kao jedino prihvatljiva.

Redni br. na rang listi	Naziv i sjedište ponuđača	Ponuđe ni popust	Ukupna cijena ponude
1.	„SEMIKEM“ d.o.o. Sarajevo, Omladinska 44, 71320 Vogošća	0,00 KM	Cijena ponude bez PDV-a 8.755,00 KM 0% popust Ukupna cijena ponude sa uračunatim popustom bez PDV-a =8.755,00 KM

Iz Zapisnika o pregledu i ocjeni ponuda je vidljivo da je za predmetnu nabavku, kao što je i navedeno u Tenderskoj dokumentaciji i Obavještenju o nabavci broj: 29340-1-1-5-3-10/24 od 20.02.2024. godine predviđeno provođenje E-aukcije za kvalifikovane ponuđače, a s obzirom da je pristigla samo jedna prihvatljiva ponuda, E-aukcija se nije mogla zakazati u skladu sa članom 4. stav (2) Pravilnika o uslovima i načinu korištenja E-aukcije („Službeni glasnik BiH“, broj: 80/23), nego se postupak okončava u skladu sa članom 69. Zakona.

Shodno navedenom, Komisija za javne nabavke je prema utvrđenom kriteriju najniže cijene tehnički zadovoljavajuće ponude dala preporuku Dekanu Univerziteta u Sarajevu - Prirodno-matematičkog fakulteta da se u predmetu nabavke roba: **HEMIKALIJE - LOT 3 – Laboratorijske hemikalije donese Odluka o dodjeli ugovora ponuđaču „SEMIKEM“ d.o.o. Sarajevo, čija ukupna cijena ponude iznosi 8.755,00 KM bez PDV-a.**

Uzimajući u obzir naprijed navedeno, primjenom člana 64. stava (1) tačka b) Zakona o javnim nabavkama, prihvaćena je preporuka Komisije za javnu nabavku i odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Akt obradila: Jasmina Mujkić, dipl. jur.



DEKAN FAKULTETA

Prof. dr Nusret Drešković

Dostaviti:

- SEMIKEM d.o.o. Sarajevo
- MIKRO+POLO d.o.o. Sarajevo
- Dosije nabavki
- a/a